

NAQQIUT

(siunnersuuteqartoq allanngorpoq)

16 april 2019

UPA2019/118

Inatsisartut suleriaasianni § 36 naapertorlugu matumuuna apeqquteqaat aallaavigalugu oqallinnissamik siunnersuut saqqummiuppara:

Qanoq iliorluni nunatsinni inoqarfiit inuerukkiartortut, inuerukkiartornerisa illuanut saatsinnissaa pillugu apeqquteqaat aallaavigalugu Inatsisartunut oqallisissiaq.

(Inatsisartuni Siumup gruppiani ilaasortat)

Ukiorpasuanngortuni nunatsinni inoqarfiit ilaasa inuerukkiartornerat eqqartorneqartartoq malinnaaviguarsimavara. Inoqarfiilli inuerukkiartupiloortut amerlasuut sulii inuerukkiartupiloortornerat kisitsisit takutippaat.

Taamaattumik aningaasatigut iluaqusersuilluni inoqarfiit inuerukkiartortut inuerukkiartorunnaarsinneqarsinnaanerat pillugu matumuuna oqallisissiaqarpunga.

Inuerukkiartornerup tunngavigisinnaasai ukiorpasuarni misissorneqartarput, inoqarfinni inuerukkiartortuni tunngaviit annersaraat inuuniarnerup akisunerunera.

Taamaattumik matuma oqallisissiap annerpaamik politikkikkut iluaqutaasinnaanissaa anguniarlugu nunat allat qimerloopakka, paasisassarsiorfigalugit qanoq iliorlutik sumiiffinni inuerukkiartortoqartarnera pinaveersaartittarneraat. Nunarujussuillu siammasissumik inoqarnikkut aaqqissugaasut arlaqartut soqutiginaatilinnik assersuuteqarfigissavakka.

Nunat misissukkama ilaat siammasissumik inoqartitsiuanissaq anguniagaraa, taamaattumillu inoqarfinni inuerukkiartorsinnaanissamut aarlerinartorsiortuni aningaasaqarnikkut ima iluaqusersuisimavoq. Nuna immikkoortunut aggulullugit immikkut nalilersorneqartarput, inuerukkiartornissamullu ulorianartorsiortornerat aallaavigalugu sulinermi inuttut ilanngaati angissusaa nalimmassarneqartarluni. Assersuutigalugu illoqarfimmi inuerukkiartulersinnaanermik ulorianartorsiortumiikkuma illoqarfimmi inunikkiartupiloortumiit pitsaanerusemik akileraartarnikkut iluaqutissinneqassaanga. Taamaasilluni inoqarfinni inuerukkiartupiloorsinnaasuni inuuniarneq akikinnerusoq kajungerneruserlu pilersinneqarsinnaavoq.

Nunat ilaanni akileraarutip procentigut nikerartumik inissinneqartarnera qimerloorneqarsinnaasut ilagaat. Tassa inoqarfinni inuerukkiartortuni inoqartitsiinnarnissaq anguniarlugu nuna tamakkerlugu akileraarutip nikerartumik aaqqissuussivigineqarsinnaanera eqqarsaatissaavoq. Tassami ullumikkut kommunit inuerukkiartornerpaat annertunerpaamik akileraarummut procenteqartinneqarput.



Kingullertut assersuutingerusuppara, inoqarfinni tunisassiornerup pitsaasumik Ingetlanera tunngavigalugu tunisassiat niurutigineqartut inoqarfinnut iluaqutaasumik qanorinoruta

aaqqissuussinnaavagut. Arajutsisimanngilarpummi inoqarfiit ilaat annertuumik nunatta avammut niuernerani pilersueqataapput, taamaattorli sanaartornikkut annikinnerujussuarmik iliuuseqarfigineqartarlutik. Inoqarfiit tamarmik pitsaasumik ineriartortuarnissaat tamatta kissaatigaarput taamaattumillu neriuutigaara inatsisartuni partiit tamarmik uummaarissumik oqalliseqataalluarumaartut.

Oqallilluarisi